



OPĆINSKI NAČELNIK

Na osnovu člana 15. Zakona o principima lokalne samouprave Federacije BiH („Sl. novine F BiH“ br 49/06 i 51/09) i člana 6. Odluke o uspostavi Registra administrativnih postupaka Općine Ilijaš, broj 01/2-05-1916/16 od 27.07.2016., Općinski načelnik, d o n o s i:

RJEŠENJE
o formiranju Regulatornog tijela

I

Formira se Regulatorno tijelo nadležno za vođenje i održavanje Registra administrativnih postupaka Općine Ilijaš (u daljem tekstu: RAP).

II

U sastav Regulatornog tijela se imenuju:

1. Muvedeta Fazlić, predsjedavajući,
2. Mirza Dinar, zamjenik predsjedavajućeg.
3. Mirza Marukić, član,
4. Mersa Zeković, član,
5. Nizama Mališević, član,
6. Ferid Čurevac, član, zapisničar.

III

Regulatorno tijelo ima dva povremena, odnosno pridružena člana koji imaju konsultativnu ulogu u proceduri vođenja Registra i koji predstavljaju poslovni sektor i civilno društvo, a koji se imenuju po potrebi na prijedlog strukovne organizacije ili relevantnog udruženja građana, za svaki konkretan slučaj.

Regulatorno tijelo je, prilikom donošenja odluka u registarskom postupku, obavezno konsultirati predstavnike poslovnog i civilnog sektora na koje se predmetni postupak odnosi.

IV

Regulatorno tijelo odgovorno je za vođenje evidencija Registra, provođenje procedure registracije i brisanja administrativnih postupaka, donošenje odluka o promjenama u Registru, kao i za održavanje i zaštitu podataka Registra.

U obavljanju poslova iz svoje nadležnosti ovo tijelo je dužno postupati u skladu s odredbama Pravilnika o vođenju i održavanju RAP, a posebno je odgovorno za zakonitost, tačnost, ažurnost i dostupnost svih podataka u Registru.

V

Ovo Rješenje stupa na snagu danom donošenja i bit će objavljeno na oglasnoj tabli i putem zvanične web stranice Općine Ilijaš.

Broj: 01/2-05-1917/16
Ilijaš, 28.07.2016. godine



Akif Fazlić, dipl.oec